

სახელმწიფო სტიპენდიები სტუდენტებს

პროგრამული კოდი - 32 04 02 06

2023 წელი

მუხლი 1.

1.1. პროგრამის დასახელება	სახელმწიფო სტიპენდიები სტუდენტებს
1.2. პროგრამის განხორციელების ვადები	2023 წელი
1.3. პროგრამის ჯამური ბიუჯეტი	7,450,500.00 ლარი
1.4. პროგრამის ხელმძღვანელი	საქართველოს განათლებისა და მეცნიერების მინისტრის მოადგილე ნოდარ პაპუკაშვილი
1.5 ბიუჯეტის განმკარგავი	უმაღლესი განათლების განვითარების დეპარტამენტის უფროსი ნინო წერეთელი
1.6 ოპერაციული მენეჯერი	სტუდენტთა სოციალური ხელშეწყობის სამმართველოს პირველი კატეგორიის უფროსი სპეციალისტი ნათია ამაღლობელი

მუხლი 2. პროგრამის აქტუალობა და მიზანი

პიროვნების ინტერესებისა და შესაძლებლობების შესატყვისი უმაღლესი განათლების მიღების მოთხოვნილებათა დაკმაყოფილების, პიროვნული პოტენციალის რეალიზებისა და შემოქმედებითი უნარ-ჩვევების განვითარების მიზნის მისაღწევად სახელმწიფო უზრუნველყოფს უმაღლესი განათლების ხელმისაწვდომობას. პროგრამა ემსახურება სტუდენტთა სწავლის ხელშეწყობას და მოტივაციის ამაღლებას, მათთვის სახელმწიფო სტიპენდიების, ასევე, დიმიტრი გულიასა და კოსტა ხეთაგუროვის სახელობის სტიპენდიების დანიშვნის მეშვეობით. „სახელმწიფო სტიპენდიები სტუდენტებს“ პროგრამის მიზანია სტუდენტთა, მათ შორის ერთიანი ეროვნული გამოცდების გავლის გარეშე ოკუპირებული ტერიტორიებიდან ჩარიცხულ სტუდენტთა, სასწავლო პროცესში აქტიურად ჩართულობის ხელშეწყობა და წახალისება.

მუხლი 3. პროგრამის მოსალოდნელი შედეგები

სახელმწიფო სტიპენდიებით უზრუნველყოფილი იქნება პროგრამაში ჩართული საჯარო სამართლის იურიდიული პირი - უმაღლესი საგანმანათლებლო დაწესებულებების ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის, აკრედიტებულ საგანმანათლებლო პროგრამებზე ერთიანი ეროვნული გამოცდების შედეგად ჩარიცხული აქტიური სტატუსის მქონე სტუდენტთა და ერთიანი ეროვნული გამოცდების გავლის გარეშე ჩარიცხული ოკუპირებულ ტერიტორიებზე მცხოვრები აქტიური სტატუსის მქონე სტუდენტთა საერთო რაოდენობის 4% 2023 წლის იანვრის, თებერვლის, მარტის, აპრილის, მაისის, ივნისის და ივლისის თვეებში და 5000 სტუდენტი ოქტომბრის, ნოემბრის და დეკემბრის თვეებში.

დიმიტრი გულიასა და კოსტა ხეთაგუროვის სახელობის სტიპენდიით 2022-2023 სასწავლო წლის იანვრის, თებერვლის, მარტის, აპრილის, მაისის, ივნისის და ივლისის თვეებში უზრუნველყოფილი იქნება 7 სტუდენტი და 2023-2024 სასწავლო წლის ოქტომბრის, ნოემბრის და დეკემბრის თვეებში უზრუნველყოფილი იქნება 7 სტუდენტი.

მუხლი 4. პროგრამის განხორციელების მექანიზმები

პროგრამა განხორციელდება ქვეპროგრამების მეშვეობით:

- ✓ ქვეპროგრამა 1. სახელმწიფო სტიპენდიები სტუდენტებს
- ✓ ქვეპროგრამა 2. დიმიტრი გულიასა და კოსტა ხეთაგუროვის სახელობის სტიპენდიები სტუდენტებს.

მუხლი 5. სულ პროგრამის ბიუჯეტი

სახელმწიფო სტიპენდიები სტუდენტებს	7,450,500.00
სხვა ხარჯები	7,450,500.00

მუხლი 6. ქვეპროგრამების ბიუჯეტი

კოდი	პროგრამა/ქვეპროგრამა	2023 წელი
	სულ ქვეპროგრამები	7,450,500.00
	სუბსიდიები	7,450,500.00
1	სახელმწიფო სტიპენდიები სტუდენტებს	7,429,500.00
	სხვა ხარჯები	7,429,500.00
2	დიმიტრი გულიასა და კოსტა ხეთაგუროვის სახელობის სტიპენდიები სტუდენტებს	21,000.00
	სხვა ხარჯები	21,000.00

მუხლი 7. პროგრამის შეფასების ინდიკატორები

7.1 საბაზისო მაჩვენებელი

- ✓ 2021-2022 სასწავლო წლის იანვრის და თებერვლის თვეებში სტიპენდიებით უზრუნველყოფილია 3029 სტუდენტი, 2021-2022 სასწავლო წლის მარტის, აპრილის, მაისის, ივნისის და ივლისის თვეებში სტიპენდიით უზრუნველყოფილია 2755 სტუდენტი, 2022-2023 სასწავლო წლის ოქტომბრის, ნოემბრის და დეკემბრის თვეებში სტიპენდიით უზრუნველყოფილია 2930 სტუდენტი;
- ✓ დიმიტრი გულიასა და კოსტა ხეთაგუროვის სახელობის სტიპენდიით 2021-2022 სასწავლო წლის იანვრის, თებერვლის, მარტის, აპრილის, მაისის, ივნისის და ივლისის თვეებში სტიპენდიით

უზრუნველყოფილია 5 სტუდენტი და 2022-2023 სასწავლო წლის ოქტომბრის, ნოემბრის და დეკემბრის თვეებში სტიპენდიით უზრუნველყოფილია 7 სტუდენტი.

7.2 მიზნობრივი მაჩვენებელი

- ✓ 2022-2023 სასწავლო წლის იანვრის და თებერვლის თვეებში სტიპენდიით უზრუნველყოფილია 2930 სტუდენტი, 2022-2023 სასწავლო წლის მარტის, აპრილის, მაისის, ივნისის და ივლისის თვეებში სტიპენდიით უზრუნველყოფილია 2734 სტუდენტი, და 2023-2024 სასწავლო წლის ოქტომბრის, ნოემბრის და დეკემბრის თვეებში სტიპენდიით უზრუნველყოფილი იქნება 5000 სტუდენტი.
- ✓ დიმიტრი გულიასა და კოსტა ხეთაგუროვის სახელობის სტიპენდიით 2022-2023 სასწავლო წლის იანვრის, თებერვლის, მარტის, აპრილის, მაისის, ივნისის და ივლისის თვეებში უზრუნველყოფილი იქნება 7 სტუდენტი და 2023-2024 სასწავლო წლის ოქტომბრის, ნოემბრის და დეკემბრის თვეებში უზრუნველყოფილი იქნება 7 სტუდენტი.

7.3. ცდომილების ალბათობა (%/აღწერა)

- ✓ ცდომილების ალბათობა შეადგენს დაახლოებით 5%-ს.

7.4. შესაძლო რისკები

- ✓ ქვეპროგრამაში ჩართულ უმაღლეს საგანმანათლებლო დაწესებულებებში სტუდენტთა საერთო რაოდენობის ცვლილება.
- ✓ მიზნობრივი ჯგუფის წარმომადგენლები არ ირიცხებიან საქართველოს ავტორიზებულ უმაღლეს საგანმანათლებლო დაწესებულებებში ან არ აკმაყოფილებენ პროგრამის მოთხოვნებს.

სახელმწიფო სტიპენდიები სტუდენტებს

პროგრამული კოდი - 32 04 02 06

2023 წელი

მუხლი 1. ქვეპროგრამის დასახელება და განხორციელების ვადები

1.1. ქვეპროგრამის დასახელება	სახელმწიფო სტიპენდიები სტუდენტებს
1.2. ქვეპროგრამის განხორციელების ვადები	2023 წელი
1.3. ქვეპროგრამის ჯამური ბიუჯეტი	7,429,500.00 ლარი

მუხლი 2. ქვეპროგრამის მიზანი

„სახელმწიფო სტიპენდიები სტუდენტებს“ ქვეპროგრამის (შემდგომ - ქვეპროგრამა) მიზანია სტუდენტთა სასწავლო პროცესებში აქტიურად ჩართულობის ხელშეწყობა და წახალისება.

მუხლი 3. ქვეპროგრამის აღწერა

პიროვნების ინტერესებისა და შესაძლებლობების შესატყვისი უმაღლესი განათლების მიღების მოთხოვნილებათა დაკმაყოფილების, პიროვნული პოტენციალის რეალიზებისა და შემოქმედებითი უნარ-ჩვევების განვითარების მიზნის მისაღწევად სახელმწიფო უზრუნველყოფს უმაღლესი განათლების ხელმისაწვდომობას. ქვეპროგრამა ემსახურება სტუდენტთა, მათ შორის ერთიანი ეროვნული გამოცდების გავლის გარეშე ოკუპირებული ტერიტორიებიდან ჩარიცხული სტუდენტების სწავლის ხელშეწყობას და მოტივაციის ამაღლებას მათთვის სახელმწიფო სტიპენდიების დანიშვნით.

მუხლი 4. ქვეპროგრამის მიზნობრივი ჯგუფი

1. ქვეპროგრამის მიზნობრივ ჯგუფს წარმოადგენს:

ა) ქვეპროგრამაში ჩართული საჯარო სამართლის იურიდიული პირი – უმაღლესი საგანმანათლებლო დაწესებულებების ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის, აკრედიტებულ საგანმანათლებლო პროგრამებზე ერთიანი ეროვნული გამოცდების შედეგად ჩარიცხული აქტიური სტატუსის მქონე სტუდენტები,

ბ) ქვეპროგრამაში ჩართული საჯარო სამართლის იურიდიული პირი – უმაღლესი საგანმანათლებლო დაწესებულებების ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის, აკრედიტებულ საგანმანათლებლო პროგრამებზე ერთიანი ეროვნული გამოცდების გავლის გარეშე ოკუპირებული ტერიტორიებიდან ჩარიცხული აქტიური სტატუსის მქონე სტუდენტები, რომლებზეც „საქართველოს მოქალაქეთა და საქართველოში მცხოვრებ უცხოელთა რეგისტრაციის, პირადობის (ბინადრობის) მოწმობისა და საქართველოს მოქალაქის პასპორტის გაცემის წესის შესახებ“ საქართველოს კანონის 20¹³ მუხლის თანახმად, გაცემულია პირადობის ნეიტრალური მოწმობა ან/და ნეიტრალური სამგზავრო დოკუმენტი ან/და აღნიშნულ

პირს საქართველოს კანონმდებლობით დადგენილი წესით რეგისტრაციის საფუძველზე მინიჭებული აქვს პირადი ნომერი.

2. ქვეპროგრამაში ჩართულია ის უმაღლესი საგანმანათლებლო დაწესებულებები რომელთა საქმიანობაზე სახელმწიფო კონტროლს ახორციელებს საქართველოს განათლებისა და მეცნიერების სამინისტრო (შემდგომ - სამინისტრო).

მუხლი 5. ქვეპროგრამის განხორციელების სტრატეგია

1. ქვეპროგრამაში ჩართულ უმაღლეს საგანმანათლებლო დაწესებულებებს გამოეყოფათ ასიგნებები ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის აკრედიტებულ საგანმანათლებლო პროგრამებზე ჩარიცხულ სტუდენტთა სტიპენდიებით უზრუნველსაყოფად.

2. ქვეპროგრამის მე-4 მუხლის პირველი პუნქტის "ა" ქვეპუნქტით გათვალისწინებული სტუდენტები 2023 წელს სტიპენდიით უზრუნველყოფილი იქნებიან იანვრის, თებერვლის, მარტის, აპრილის, მაისის, ივნისის, ივლისის, ოქტომბრის, ნოემბრის და დეკემბრის თვეებში. ქვეპროგრამის მე-4 მუხლის პირველი პუნქტის "ბ" ქვეპუნქტით გათვალისწინებული სტუდენტები 2023 წელს სტიპენდიით უზრუნველყოფილი იქნებიან მარტის, აპრილის, მაისის, ივნისის, ივლისის, ოქტომბრის, ნოემბრის და დეკემბრის თვეებში.

3. სამინისტრო უფლებამოსილია, ქვეპროგრამის მე-4 მუხლის პირველი პუნქტით გათვალისწინებული სტუდენტების საერთო რაოდენობის შესახებ ინფორმაცია გამოითხოვოს სსიპ - განათლების მართვის საინფორმაციო სისტემიდან 2023 წლის პირველი აპრილის და პირველი ნოემბრის მდგომარეობით ქვეპროგრამაში ჩართული თითოეული უმაღლესი საგანმანათლებლო დაწესებულებების მიხედვით.

4. სსიპ - განათლების მართვის საინფორმაციო სისტემა ვალდებულია მოთხოვნილი ინფორმაცია სამინისტროს წარუდგინოს მოთხოვნიდან არა უგვიანეს 5 სამუშაო დღის ვადაში.

5. ქვეპროგრამაში ჩართულ, დანართი 1-ით განსაზღვრულ თითოეულ უმაღლეს საგანმანათლებლო დაწესებულებას 2023 წლის იანვრის და თებერვლის თვეების ასიგნებები გამოეყოფა 2022-2023 სასწავლო წლის პირველ სემესტრში ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის აკრედიტებულ საგანმანათლებლო პროგრამებზე აქტიური სტუდენტის სტატუსის მქონე სტუდენტთა საერთო რაოდენობის 4%-ის სტიპენდიებით უზრუნველსაყოფად, თითოეული სტუდენტისთვის 150 ლარის ოდენობით თვეში, „სახელმწიფო სტიპენდიები სტუდენტებს“ პროგრამის დამტკიცების შესახებ" საქართველოს განათლებისა და მეცნიერების მინისტრის 2022 წლის 27 იანვრის №75694 ბრძანებაში ცვლილების შეტანის თაობაზე“ საქართველოს განათლებისა და მეცნიერების სამინისტროს 2022 წლის 30 დეკემბრის №1683770 ბრძანების პირველი პუნქტით გათვალისწინებული დანართის „სახელმწიფო სტიპენდიები სტუდენტებს“ პირველი ქვეპროგრამის დანართი №3-ის გათვალისწინებით.

6. ქვეპროგრამაში ჩართულ, დანართი 2-ით განსაზღვრულ თითოეულ უმაღლეს საგანმანათლებლო დაწესებულებას 2023 წლის მარტის, აპრილის, მაისის, ივნისის და ივლისის თვეების ასიგნებები

გამოეყოფა ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის აკრედიტებულ საგანმანათლებლო პროგრამებზე, 2022-2023 სასწავლო წლის მეორე სემესტრში ამ პროგრამის მე-4 მუხლის პირველი პუნქტის „ა“ და „ბ“ ქვეპუნქტებით გათვალისწინებული, 2023 წლის პირველი აპრილის მდგომარეობით, აქტიური სტუდენტის სტატუსის მქონე სტუდენტთა საერთო რაოდენობის 4%-ის სტიპენდიებით უზრუნველსაყოფად, თითოეული სტუდენტისთვის 150 ლარის ოდენობით თვეში.

7. ქვეპროგრამაში ჩართული უმაღლესი საგანმანათლებლო დაწესებულებების ქვეპროგრამის მე-4 მუხლის პირველი პუნქტით გათვალისწინებული აქტიური სტუდენტის სტატუსის მქონე 5000 სტუდენტი უზრუნველყოფილი იქნება 2023 წლის ოქტომბრის, ნოემბრის და დეკემბრის თვეებში სტიპენდიით, თითოეული სტუდენტისთვის 300 ლარის ოდენობით თვეში.

8. ქვეპროგრამაში ჩართულ, თითოეულ უმაღლეს საგანმანათლებლო დაწესებულებას, დანართი 3-ის გათვალისწინებით, 5000 ადგილი პროპორციულად გადაუნაწილდება ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის აკრედიტებულ საგანმანათლებლო პროგრამებზე 2023 წლის 1-ლი ნოემბრის მდგომარეობით ქვეპროგრამის მე-4 მუხლის პირველი პუნქტით გათვალისწინებულ აქტიური სტუდენტის სტატუსის მქონე სტუდენტთა საერთო რაოდენობის გათვალისწინებით.

9. უმაღლესი საგანმანათლებლო დაწესებულება ვალდებულია, ამ მუხლის მე-8 პუნქტის თანახმად სამინისტროს მიერ მისთვის გამოყოფილი სტიპენდიანტების რაოდენობა პროპორციულად გადაანაწილოს ფაკულტეტების მიხედვით, აქტიური სტუდენტის სტატუსის მქონე სტუდენტთა საერთო რაოდენობის გათვალისწინებით.

10. ამ მუხლის მე-5 და მე-6 პუნქტებით გათვალისწინებულ სტიპენდიანტთა შერჩევას ქვეპროგრამაში ჩართული თითოეული უმაღლესი საგანმანათლებლო დაწესებულებისთვის სამინისტროს მიერ განსაზღვრული სტუდენტთა ოდენობისა და დაფინანსების მოცულობის ფარგლებში ახორციელებენ შესაბამისი უმაღლესი საგანმანათლებლო დაწესებულებები. შერჩევის კრიტერიუმი, რომელიც მტკიცდება უმაღლესი საგანმანათლებლო დაწესებულების ხელმძღვანელის ინდივიდუალური ადმინისტრაციულ-სამართლებრივი აქტით, უნდა ეფუძნებოდეს: სტუდენტის მაღალ აკადემიურ მოსწრებას, აქტიურ მონაწილეობას სტუდენტურ კონფერენციებში და სხვა.

11. ამ მუხლის მე-7 და მე-8 პუნქტებით გათვალისწინებულ სტიპენდიანტთა შერჩევას ქვეპროგრამაში ჩართული თითოეული უმაღლესი საგანმანათლებლო დაწესებულებისთვის სამინისტროს მიერ განსაზღვრული სტიპენდიანტთა რაოდენობის ფარგლებში ახორციელებენ უმაღლესი საგანმანათლებლო დაწესებულებები, ამ მუხლის მე-12 და მე-13 პუნქტებით გამოთვლილი ქულების რანჟირებით უმაღლესიდან უმდაბლესისკენ.

12. სტიპენდია ენიშნება უმაღლესი საგანმანათლებლო დაწესებულების წარმატებულ სტუდენტს, თუ მას წინა სემესტრში სრულად აქვს ათვისებული საგანმანათლებლო პროგრამით სემესტრისთვის განსაზღვრული კრედიტები და წინა სემესტრის შეფასებების საშუალო არითმეტიკული ქულა შეადგენს 91 ქულას და მეტს. ამასთან, საშუალო არითმეტიკულ ქულას, ქვემოთ ჩამოთვლილი კრიტერიუმების დაკმაყოფილების შემთხვევაში ემატება შესაბამისი ქულები:

- წინა სემესტრში მონაწილეობა აქვს მიღებული სამეცნიერო და სტუდენტურ კონფერენციებში (თითო აქტივობა ფასდება 5 ქულით, მაგრამ არაუმეტეს ჯამური 10 ქულისა).

- წინა სემესტრში მონაწილეობა აქვს მიღებული სასწავლო სტუდენტურ აქტივობებში (საუნივერსიტეტო ინტელექტუალური, შემოქმედებით-კულტურული ან სპორტული ღონისძიებები (თითო აქტივობა ფასდება 1 ქულით), იმიტირებული სასამართლო პროცესი (აქტივობა ფასდება 2 ქულით).

- განეკუთვნება სოციალურად მოწყვლად ჯგუფს (რეგისტრირებულია სოციალურად დაუცველი ოჯახების მონაცემთა ერთიან ბაზაში, ოჯახის სარეიტინგო ქულით 70000 და ნაკლები; შეზღუდული შესაძლებლობის მქონე პირი ან სპეციალური საჭიროების მქონე პირი; მაღალმთიანი სტატუსის დასახლებაში მცხოვრები, ობოლი (უდემამო), მრავალშვილიანი ოჯახის წევრი (4 და მეტი შვილი), სტუდენტები ოკუპირებული ტერიტორიებიდან, (თითოეული ჯგუფის კუთვნილებისას ემატება 1 ქულა).

13. იმ შემთხვევაში, თუ უმაღლესი საგანმანათლებლო დაწესებულება მე-12 პუნქტით გათვალისწინებულ შემთხვევაში სრულად ვერ აითვისებს სამინისტროს მიერ აღნიშნული უნივერსიტეტისთვის გამოყოფილ სტიპენდიატთა რაოდენობას, აუთვისებელი სტიპენდიების რაოდენობის ფარგლებში სტიპენდია დაენიშნება სტუდენტს, რომლის წინა სემესტრის შეფასებების საშუალო არითმეტიკული ქულა ნაკლებია 91 ქულაზე. ამასთან, საშუალო არითმეტიკულ ქულას, ქვემოთ ჩამოთვლილი კრიტერიუმების დაკმაყოფილების შემთხვევაში ემატება შესაბამისი ქულები:

- წინა სემესტრში მონაწილეობა აქვს მიღებული სამეცნიერო და სტუდენტურ კონფერენციებში (თითო აქტივობა ფასდება 5 ქულით, მაგრამ არაუმეტეს ჯამური 10 ქულისა).

- წინა სემესტრში მონაწილეობა აქვს მიღებული სასწავლო სტუდენტურ აქტივობებში (საუნივერსიტეტო ინტელექტუალური, შემოქმედებით-კულტურული ან სპორტული ღონისძიებები (თითო აქტივობა ფასდება 1 ქულით), იმიტირებული სასამართლო პროცესი (ფასდება 2 ქულით).

- განეკუთვნება სოციალურად მოწყვლად ჯგუფს (რეგისტრირებულია სოციალურად დაუცველი ოჯახების მონაცემთა ერთიან ბაზაში, ოჯახის სარეიტინგო ქულით 70000 და ნაკლები; შეზღუდული შესაძლებლობის მქონე პირი ან სპეციალური საჭიროების მქონე პირი; მაღალმთიანი სტატუსის დასახლებაში მცხოვრები, ობოლი (უდემამო), მრავალშვილიანი ოჯახის წევრი (4 და მეტი შვილი), სტუდენტები ოკუპირებული ტერიტორიებიდან, (თითოეული ჯგუფის კუთვნილებისას ემატება 1 ქულა).

14. მე-12 და მე-13 პუნქტებით განსაზღვრულ სტიპენდიანტთა შერჩევისას, თუ ბოლო ადგილზე თანაბარი ქულა აქვს რამდენიმე სტუდენტს, უპირატესობა მიენიჭება შემდეგ თანმიმდევრობას:

- წინა სემესტრის შეფასების მაღალ საშუალო არითმეტიკულ ქულას;

- სოციალურად მოწყვლად ჯგუფს;

- სამეცნიერო და სტუდენტურ კონფერენციებში მონაწილეობას;

- სასწავლო სტუდენტურ აქტივობებში მონაწილეობას.

15. სტიპენდიით დაფინანსების უფლების მქონე პირთა განსაზღვრა ხორციელდება ყოველი სემესტრის დასაწყისში, წინა სემესტრის მონაცემების საფუძველზე.

16. ქვეპროგრამაში ჩართულ უმაღლეს საგანმანათლებლო დაწესებულებებში სტიპენდიის მფლობელი სტუდენტის სტატუსის შეჩერების/შეწყვეტისას სტიპენდიის გაცემა შეწყდება.

17. ამ მუხლის მე-16 პუნქტით გათვალისწინებულ შემთხვევაში, უმაღლესი საგანმანათლებლო დაწესებულება უფლებამოსილია მიიღოს გადაწყვეტილება გაუცემელი თანხის სხვა სტუდენტისთვის სტიპენდიის სახით დანიშვნის შესახებ.

18. ქვეპროგრამის მონიტორინგს ახორციელებს საქართველოს განათლებისა და მეცნიერების სამინისტროს უმაღლესი განათლების განვითარების დეპარტამენტის სტუდენტთა სოციალური ხელშეწყობის სამმართველო.

19. უმაღლესი განათლების განვითარების დეპარტამენტი მონიტორინგის ფარგლებში უფლებამოსილია უმაღლესი საგანმანათლებლო დაწესებულებიდან გამოითხოვოს, ხოლო უმაღლესი საგანმანათლებლო დაწესებულება ვალდებულია მიაწოდოს დეპარტამენტს, ქვეპროგრამის - „სახელმწიფო სტიპენდიები სტუდენტებს“ ფარგლებში ამ მუხლის მე-5 - მე-13 პუნქტებით სტიპენდიანტთა შერჩევის კრიტერიუმებთან დაკავშირებით გამოცემული ინდივიდუალური ადმინისტრაციულ-სამართლებრივი აქტები, ინფორმაცია, მათ შორის, პერსონალური მონაცემები, სტიპენდიანტი სტუდენტების შესახებ და ა.შ.

20. უმაღლესი განათლების განვითარების დეპარტამენტი უფლებამოსილია, საჭიროების შემთხვევაში, სსიპ - განათლების მართვის საინფორმაციო სისტემიდან გამოითხოვოს, ხოლო სსიპ - განათლების მართვის საინფორმაციო სისტემა ვალდებულია მიაწოდოს დეპარტამენტს, საგანმანათლებლო დაწესებულებების რეესტრში დაცული ინფორმაცია, მათ შორის, პერსონალური მონაცემები, სტუდენტების შესახებ.

მუხლი 6. მოსალოდნელი საბოლოო შედეგი

სახელმწიფო სტიპენდიებით უზრუნველყოფილი იქნება პროგრამაში ჩართული საჯარო სამართლის იურიდიული პირი - უმაღლესი საგანმანათლებლო დაწესებულებების ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის, აკრედიტებულ საგანმანათლებლო პროგრამებზე ერთიანი ეროვნული გამოცდების შედეგად ჩარიცხული აქტიური სტატუსის მქონე სტუდენტთა და ერთიანი ეროვნული გამოცდების გავლის გარეშე ოკუპირებული ტერიტორიებიდან ჩარიცხული აქტიური სტატუსის მქონე სტუდენტთა საერთო რაოდენობის 4% 2023 წლის იანვრის, თებერვლის, მარტის, აპრილის, მაისის, ივნისის და ივლისის თვეებში და 5000 სტუდენტი ოქტომბრის, ნოემბრის და დეკემბრის თვეებში.

მუხლი 7. ქვეპროგრამის სპეციფიური ამოცანები, ვადები და შესაბამისი აქტივობები

N	ამოცანა/შედეგი	აქტივობები	ვადები
1	2023 წლის იანვრის და თებერვლის თვეებში სტუდენტთა სტიპენდიით უზრუნველყოფა	1.1 უმაღლესი საგანმანათლებლო დაწესებულებებისთვის დაფინანსების მოცულობების განსაზღვრა	2023 წლის იანვარი-თებერვალი

		1.2 სტიპენდიანტთა შერჩევა	
2	2023 წლის მარტის, აპრილის, მაისის, ივნისის და ივლისის თვეებში სტუდენტთა სტიპენდიით უზრუნველყოფა	2.1. უმაღლესი საგანმანათლებლო დაწესებულებებისთვის სტიპენდიანტთა რაოდენობის და დაფინანსების მოცულობის განსაზღვრა 2.2 სტიპენდიანტთა შერჩევა	2023 წლის აპრილი-ივლისი
3	2023 წლის ოქტომბრის, ნოემბრის და დეკემბრის თვეებში სტუდენტთა სტიპენდიით უზრუნველყოფა	3.1 უმაღლესი საგანმანათლებლო დაწესებულებებისთვის სტიპენდიანტთა რაოდენობის და დაფინანსების მოცულობის განსაზღვრა 3.2 სტიპენდიანტთა შერჩევა	2023 წლის ნოემბერი-დეკემბერი

მუხლი 8. ქვეპროგრამის განხორციელებაში ჩართული მხარეები და მათი ფუნქციები/ვალდებულებები

N	პასუხისმგებელი უწყება/სტრუქტურული ერთეული/ პოზიცია	ფუნქციები/ვალდებულება
1	საქართველოს განათლებისა და მეცნიერების სამინისტროს უმაღლესი განათლების განვითარების დეპარტამენტის სტუდენტთა სოციალური ხელშეწყობის სამმართველო	- გამოითხოვს ინფორმაციას სსიპ - განათლების მართვის საინფორმაციო სისტემიდან 2023 წლის პირველი აპრილის და პირველი ნოემბრის მდგომარეობით. - უზრუნველყოფს სტიპენდიანტთა რაოდენობის და თანხის ოდენობის განსაზღვრას, ასევე ქვეპროგრამის მონიტორინგს.
2	სსიპ - განათლების მართვის საინფორმაციო სისტემა	უზრუნველყოფს ქვეპროგრამით განსაზღვრული ინფორმაციის სამინისტროში წარდგენას 2023 წლის პირველი აპრილის და პირველი ნოემბრის მდგომარეობით
3	საქართველოს განათლებისა და მეცნიერების სამინისტროს ეკონომიკური დეპარტამენტი	ფინანსური უზრუნველყოფა
4	საქართველოს განათლებისა და მეცნიერების სამინისტროს იურიდიული დეპარტამენტი	შესაბამისი ინიცირების საფუძველზე მინისტრის ინდივიდუალური

		ადმინისტრაციულ-სამართლებრივი აქტების მომზადება
5	ქვეპროგრამაში ჩართული საჯარო სამართლის იურიდიული პირი - უმაღლესი საგანმანათლებლო დაწესებულებები	უზრუნველყოფენ სტიპენდიანტთა შერჩევას მე-5 მუხლის მე-5-მე-13 პუნქტების მოთხოვნათა დაცვით, მათზე სტიპენდიების გაცემას და სამინისტროსთვის მოთხოვნილი დოკუმენტების მიწოდებას.

მუხლი 9. ქვეპროგრამის ბიუჯეტი

პროგრამული კოდი	ქვეპროგრამის დასახელება	სულ 2023 წელი
32 04 02 06	სახელმწიფო სტიპენდიები სტუდენტებს	7,429,500.00
	სხვა ხარჯები	7,429,500.00

მუხლი 10. მოსალოდნელი საბოლოო შედეგების შეფასების ინდიკატორები მიმდინარე წლისთვის

10.1 საბაზისო მაჩვენებელი - არსებული რეალობის ამსახველი ინდიკატორი

- ✓ 2021-2022 სასწავლო წლის იანვრის და თებერვლის თვეებში სტიპენდიებით უზრუნველყოფილია 3029 სტუდენტი,
- ✓ 2021-2022 სასწავლო წლის მარტის, აპრილის, მაისის, ივნისის და ივლისის თვეებში სტიპენდიით უზრუნველყოფილია 2755 სტუდენტი,
- ✓ 2022-2023 სასწავლო წლის ოქტომბრის, ნოემბრის და დეკემბრის თვეებში სტიპენდიით უზრუნველყოფილია 2930 სტუდენტი;

10.2. მიზნობრივი მაჩვენებელი

- ✓ 2022-2023 სასწავლო წლის იანვრის და თებერვლის თვეების სტიპენდიით უზრუნველყოფილი იქნება 2930 სტუდენტი
- ✓ 2022-2023 სასწავლო წლის მარტის, აპრილის, მაისის, ივნისის, ივლისის და ივლისის თვეებში სტიპენდიით უზრუნველყოფილია 2734 სტუდენტი
- ✓ 2023-2024 სასწავლო წლის ოქტომბრის, ნოემბრის და დეკემბრის თვეებში სტიპენდიით უზრუნველყოფილი იქნება 5000 სტუდენტი

10.3. ცდომილების ალბათობა (%/აღწერა)

ცდომილების ალბათობა შეადგენს დაახლოებით 5%-ს.

10.4. შესაძლო რისკები

ქვეპროგრამაში ჩართულ უმაღლეს საგანმანათლებლო დაწესებულებებში სტუდენტთა საერთო რაოდენობის ცვლილება.

დანართი 1

ქვეპროგრამაში ჩართული უმაღლესი საგანმანათლებლო დაწესებულებებისთვის 2023 წლის იანვრის და თებერვლის თვეებში გამოყოფილი ასიგნებები

№	უმაღლესი საგანმანათლებლო დაწესებულება	2022-2023 სასწავლო წელს უმაღლესი განათლების პირველ საფეხურზე აქტიური სტუდენტის სტატუსის მქონე სტუდენტთა საერთო რაოდენობა 2022 წლის 1 ნოემბრის მდგომარეობით	სტიპენდიანტთა რაოდენობა	ერთი თვის თანხა (ლარი)	ორი თვის თანხა (ლარი)
1	სსიპ - აკაკი წერეთლის სახელმწიფო უნივერსიტეტი	7112	284	42,600.00	85,200.00
2	სსიპ - ბათუმის შოთა რუსთაველის სახელმწიფო უნივერსიტეტი	5608	224	33,600.00	67,200.00
3	სსიპ - გორის სახელმწიფო უნივერსიტეტი	1446	58	8,700.00	17,400.00
4	სსიპ - თბილისის სახელმწიფო სამედიცინო უნივერსიტეტი	5447	218	32,700.00	65,400.00
5	სსიპ - იაკობ გოგებაშვილის სახელობის თელავის სახელმწიფო უნივერსიტეტი	1502	60	9,000.00	18,000.00

6	სსიპ - ივანე ჯავახიშვილის სახელობის თბილისის სახელმწიფო უნივერსიტეტი	19456	778	116,700.00	233,400.00
7	სსიპ - ილიას სახელმწიფო უნივერსიტეტი	12787	511	76,650.00	153,300.00
8	სსიპ - სამცხე - ჯავახეთის სახელმწიფო უნივერსიტეტი	1579	63	9,450.00	18,900.00
9	სსიპ - საქართველოს ტექნიკური უნივერსიტეტი	15188	608	91,200.00	182,400.00
10	სსიპ - სოხუმის სახელმწიფო უნივერსიტეტი	2500	100	15,000.00	30,000.00
11	სსიპ - შოთა მესხიას ზუგდიდის სახელმწიფო სასწავლო უნივერსიტეტი	648	26	3,900.00	7,800.00
	სულ	73 273	2 930	439,500.00	879,000.00

დანართი 2

ქვეპროგრამაში ჩართული უმაღლესი საგანმანათლებლო დაწესებულებებისთვის 2023 წლის მარტის, აპრილის, მაისის, ივნისის და ივლისის თვეებში გამოყოფილი ასიგნებები

№	უმაღლესი საგანმანათლებლო დაწესებულება	2022-2023 სასწავლო წელს უმაღლესი განათლების პირველ საფეხურზე აქტიური სტუდენტის სტატუსის მქონე სტუდენტთა საერთო რაოდენობა 2023 წლის 1 აპრილის მდგომარეობით	სტიპენდიანტთა რაოდენობა	ერთი თვის თანხა (ლარი)	ხუთი თვის თანხა (ლარი)
1	სსიპ - აკაკი წერეთლის სახელმწიფო უნივერსიტეტი	6887	276	41,400.00	207,000.00

2	სსიპ - ბათუმის შოთა რუსთაველის სახელმწიფო უნივერსიტეტი	5011	200	30,000.00	150,000.00
3	სსიპ - გორის სახელმწიფო უნივერსიტეტი	1440	58	8,700.00	43,500.00
4	სსიპ - თბილისის სახელმწიფო სამედიცინო უნივერსიტეტი	5099	204	30,600.00	153,000.00
5	სსიპ - იაკობ გოგებაშვილის სახელობის თელავის სახელმწიფო უნივერსიტეტი	1380	55	8,250.00	41,250.00
6	სსიპ - ივანე ჯავახიშვილის სახელობის თბილისის სახელმწიფო უნივერსიტეტი	18199	728	109,200.00	546,000.00
7	სსიპ - ილიას სახელმწიფო უნივერსიტეტი	11925	477	71,550.00	357,750.00
8	სსიპ - სამცხე - ჯავახეთის სახელმწიფო უნივერსიტეტი	1394	56	8,400.00	42,000.00
9	სსიპ - საქართველოს ტექნიკური უნივერსიტეტი	13581	543	81,450.00	407,250.00
10	სსიპ - სოხუმის სახელმწიფო უნივერსიტეტი	2537	102	15,300.00	76,500.00
11	სსიპ - შოთა მესხიას ზუგდიდის სახელმწიფო სასწავლო უნივერსიტეტი	865	35	5,250.00	26,250.00
	სულ	68318	2734	410,100.00	2,050,500.00

ქვეპროგრამაში ჩართული უმაღლესი საგანმანათლებლო დაწესებულებებისთვის 2023 წლის
ოქტომბრის, ნოემბრის და დეკემბრის თვეებში გამოყოფილი ასიგნებები

N	უმაღლესი საგანმანათლებლო დაწესებულება	2023-2024 სასწავლო წელს უმაღლესი განათლების პირველ საფეხურზე აქტიური სტუდენტის სტატუსის მქონე სტუდენტთა საერთო რაოდენობა 2023 წლის 1 ნოემბრის მდგომარეობით	სტიპენდიანტთა რაოდენობა	ერთი თვის თანხა (ლარი)	სამი თვის თანხა (ლარი)
1	სსიპ - აკაკი წერეთლის სახელმწიფო უნივერსიტეტი	7935	515	154,500.00	463,500.00
2	სსიპ - ბათუმის შოთა რუსთაველის სახელმწიფო უნივერსიტეტი	5765	375	112,500.00	337,500.00
3	სსიპ - გორის სახელმწიფო უნივერსიტეტი	1675	109	32,700.00	98,100.00
4	სსიპ - თბილისის სახელმწიფო სამედიცინო უნივერსიტეტი	5654	367	110,100.00	330,300.00
5	სსიპ - იაკობ გოგებაშვილის სახელობის თელავის სახელმწიფო უნივერსიტეტი	1539	100	30,000.00	90,000.00
6	სსიპ - ივანე ჯავახიშვილის სახელობის თბილისის სახელმწიფო უნივერსიტეტი	19298	1253	375,900.00	1,127,700.00
7	სსიპ - ილიას სახელმწიფო უნივერსიტეტი	13971	907	272,100.00	816,300.00

8	სსიპ - სამცხე - ჯავახეთის სახელმწიფო უნივერსიტეტი	1556	101	30,300.00	90,900.00
9	სსიპ - საქართველოს ტექნიკური უნივერსიტეტი	15743	1022	306,600.00	919,800.00
10	სსიპ - სოხუმის სახელმწიფო უნივერსიტეტი	2903	189	56,700.00	170,100.00
11	სსიპ - შოთა მესხიას ზუგდიდის სახელმწიფო სასწავლო უნივერსიტეტი	953	62	18,600.00	55,800.00
12	სულ	76992	5000	1,500,000.00	4,500,000.00